

卻歸一還本原善愛敬如君臣至一周甚辛勤密防護莫迷昏  
途路遠復幽玄若達此會乾坤刀圭霑淨魄魂得長生居山村  
樂道者尋其根審五行定銖分諦思之不須論深藏守莫傳文  
此段淺近言得藥之士更無怠荒暫時不離勤勤付囑句句  
明白不必再釋若丹已成嬰兒漸大不妨行九載向上之功  
也

御白鶴駕龍鱗遊大虛謁仙君錄天圖號真人

此係丹成道備行滿功成之事然功高德重則效驗有不能  
盡述者緣夫至道上天所寶善根上智勤行不怠性命雙修  
形神俱妙與道合真德重功高一如懋贊之辭謁仙君而號  
道藏輯要

參同契  
上陽子注

全

虛集三  
川文上

真人也人人可以作此大功德成此大自在勿以事難而自  
棄勿以緣淺而不為老子張葛亦人爾非天上落下底釋迦  
達磨亦人爾非地下湧出底堅心勇猛事皆易成志士修行  
深思勉力

### 補塞遺脫章第三十四

參同契者數陳梗概不能純一汎濫而說纖微未備闕畧髮髯  
今更誤錄補塞遺脫潤色幽深鈎接相逮旨意等齊所趣不悖  
故復作此命互相類則大易之性情盡矣

乙浮

右丁

巳物

辛銀

癸眞

五位相得

三木

二火

五土

四金

一水

甲左 丙火 戊武 庚世 壬真 而各有合

大易性情各如其度黃老用究較而可御爐火之事真有所據  
三道由一俱出徑路枝莖華葉果實垂布正在根株不失其素  
誠心所言審而不誤象彼仲冬節竹木皆摧傷佐陽詰賈旅人  
君深自藏象時順節令閉口不用談天道甚浩廣太玄無形容  
虛寂不可觀匡郭以消亡謬誤失事緒言還自敗傷別序斯四  
象以曉後生旨

此章補塞遺脫中存口訣隱而不露註者到此當體獲麟之  
意況其戒云閉口不用談又云言還自敗傷一舉雙明其意  
遠矣是書有大解脫有大神通若得聞是書蛇虎不能傷得

道藏輯要

參同契  
上陽子注

全

虛集三  
八八文

誦是書疫疠不能染得明是書地獄不拘攝得行是書天堂  
自快樂是書在處空中常有金光交射虛室生白人若見之  
延壽六六供養信受其福無邊况堅修而勤行乎

白敘啟後章第三十五

會稽鄙夫幽谷朽生挾懷樸素不樂權榮棲遲僻陋忽畧利名  
執守恬淡希時安寧晏然閑居乃撰斯文歌敘大易三聖遺言  
察其旨趣一統共論務在順理宣耀精神神化流通四海和平  
表以為歷萬世可循序以御政行之不繁引內養性黃老自然  
含德之厚歸根返元近在我心不離已身抱一毋舍可以長存  
配以伏食雄雌設陳挺除武都八石棄捐審用成物世俗所珍